

1. Hala ere

Hitzak: Xabier Lete
Musika: Lourdes Triandio

Nabil, eta nabilelako nago hain neke
ikusirikan denok hain urrun
gauzak hain ilun
begiak hain lauso
eskuak hain hutsik...

Nabil, eta nabilelako nago hain zikin.

Hala ere gelditu egingo naiz,
hala ere hau nere lurra da,
hemen dago nere etxe bakarra,
nere etxe bakarra, nere etxe bakarra.

Hala ere ez dut besterik,
hala ere ez dut hobegorik.
Hala ere nora joan gindezke,
nora joan gindezke, nora joan gindezke?

Zer hotza egiten duen
ilargiaren azpian,
zer hotza egiten duen
anaieren ondoan.

Nabil, eta nabilelako nago hain neke
ikusirikan denok hain urrun
gauzak hain ilun
begiak hain lauso
eskuak hain hutsik,
nabil, eta nabilelako nago hain zikin.

Hala ere gelditu egingo naiz,
hala ere hau nere lurra da,
hemen dago gure etxe bakarra,
gure etxe bakarra, gure etxe bakarra.

Hala ere ez dugu besterik,
hala ere ez dugu hobegorik.
Hala ere nora joan gindezke,
nora joan gindezke, nora joan gindezke?

Hala ere...

2. Agurra

Musika eta hitzak: Lourdes Triandio

Gaur goizez joan zataizkit
itsaso bidean barrena.
Gaur goizez joan zataizkit
itsaso bidean barrena.

Ene begi beltzak negar zotin,
urrundu baita maite dutena...
Ene begi beltzak negar zotin,
urrundu baita maite dutena.

Zu goibel bazaude nere bihotza
gaur zurekin daramakizu.
Zer egingo dute nere begiek
maite dutana gaur urrun baidut.

Amets zaleentzat goxo da bizitza
ta zuk itsasoa zendun amets.
Amets zaleentzat goxo da bizitza
ta zuk itsasoa zendun amets.

Zure gogoan badira izarrak
ta zure ezpainak pozez abes.
Zure gogoan badira izarrak
ta zure ezpainak pozez abes.

Nere ezpainek ez dute irrifarririk
nire bihotzak ez du pozik
Zure txori abeslaria joan zan
ta gogoa negarrez daukat nik.

Nere ezpainek ez dute irrifarririk
nire bihotzak ez du pozik
Zure txori abeslaria joan zan
ta gogoa negarrez daukat nik.

Dirucsa Music-en aditazuek

3. Maitasun honek zukan dirudi

Hitzak: Sara Soto / Xabier Lete
Musika: Sara Soto

Maitasun honek zukan dirudi
egusenti bat ilunean,
zelaia legor, txoririk ez,
argirik gabe gau isil eta egusenti tristea.

Maite dut zure izena
isilik beti esatea,
maite dut gauean
zure izena erabiltzea.

Lehen zulo haundi bat zen tokian
uste berri bat sortu da
Nere anima zai jarririk beti daukazu
maitasunezko zure oihu hortara.

Maite dut zure izena
isilik beti esatea,
maite dut gauean
zure izena erabiltzea.

4. Errota zaharra

Hitzak: Joan Mari Lekuona
Musika: Xabier Lete

Errota zahar maita
uraren ertzean,
uraren ertzean da
basati beltzean:
negar egiten dezu
alea txertzean.
Ni ere triste nabil
zutaz oroitzean.

Zotin sekua dago
errotariak.
Itzalitako trar-dirdirak
dira nerretaz zure begiak.

Izar eder bat dago
hor goiko lepuan,
errota zaharra, berriz,
erreak zokuan.

Berebiziko pena
badaukatz barruan:
ezin gindezke bizi
ekarlen ondutan.

Bizitzaren legea
nahi det onartu.
Halabeharria
korazek hartu,
bereiz doana
zertan behartu?

Ahots laguntzailek: Xabier Lete



5. Gaua

Hitzak: Xabier Lete
Musika: Lourdes Iriondo

Ai gaua, zer dezu,
zer dezu isiltasunean?

Triste jartzen dezu bihotza
iluntzen diguzu gogoa bakardadean.
Haizeak negar egiten du
itsasoa mutu gelditzen da zu etortzean.

Ai gaua, zer dezu,
zer dezu isiltasunean?

Zuk oroitarazten didazu
gu bizi geran mundu hau ere iluna dela.
Beldur, gorroto, gaiztakeri
ta injustizi triste asko bai badirela.

Ai gaua, zer dezu,
zer dezu isiltasunean?

Baina gauzez amets egiten det
bihar goizez mundua hobea izango dela,
gizonen gau beltzean
bake, itsaropen ta maitasun berri bat
piztuko direla,
gizonen gau beltzean
bake piztuko dela.

Gaucan isilean,
argiaren promesa bihar goizean,
Gaucan isil-isilean,
argiaren promesa
gizonen gau beltzean.

6. Festa bukatzean

Hitzak: Xabier Lete
Musika: Lourdes Iriondo

Festako gaua
zenbat tristura dantza bukatzen denean
paper batzuek haruntz ta honuntz
haizearen kapritxoan.

Nota galduek,
pauso baldarrak
pena baten markak lurrean,
hitz puskatuak,
esku bakarrak
negar isil bat erpainean.

Festako gaua
ezkilak triste
izar bat hiltzen bihotzean,
ordu galduek
aste osoak
jarrai eta jarrai bidean.

7. Ez nazazu utzi

Musika eta hitzak: Xabier Lete

Ez nazazu utzi, nik etzaitut utziko
ez nazazu utzi, ez, nik etzaitut utziko.

Negar egingo duzu ilunabarrean
baina poztuko zera eguna argitzean.

Ez nazazu utzi...

Amets egingo duzu ilunabarrean
libre jarriko nautela eguna argitzean.

8. Geldi hadi, mundu

Musika eta hitzak: Herrikoak

Gel hadi, mundu, gel hadi, lagun
nahi erpadozu jarraitu,
laga zaidazu neure moduan
dagidan jauna zerbitu.

Nere lagunek dirauste orain
ez zaitetz joan gugandik
guk ere salba uste dogu ta
zergaitik zoaz hemendik.
Nere lagunek dirauste orain
ez zaitetz joan gugandik
guk ere salba uste dogu ta
zergaitik zoaz hemendik.

Divusca Music-en aditasmenez



9. Hain urruti ta hain hurbil

Hitzak: Nemesio Etxaniz
Musika: Lourdes Iriando

Hain urruti ta hain hurbil
hau izan den gure gupil.
Urte asko dizkinagu
alkarren albo, lanean,
nik hire gose bihotzean
hik nere egarri isilean.

Begiratu nian
bildurrez behingean,
hik bestera begiratu huan,
begiratu hidakan
beste behin bildurrez,
nik jetsi nizkian begiak saminez

Hain urruti ta hain hurbil
hainbeste urte horren isil.
Hasperen bat nik,
hik, gaixo al hago,
burua astun dinat,
ez dinat ghegiho.

Hitz egin nahi huan
baina sorgin batek
alda zian hire hitza
aidan lainoak zeuden.

Hain urruti ta hain hurbil
horrek din gure bihotza hil.

Divcsa Music-en adeltasunez

10. Bolon bat

Musika eta hitzak: Herrikoiak

Bolon bat eta bolon bat
bolon putzura erori;
erori bazen, erori,
ez da geroztik ageri.
Bolon bolon bolona,
gure haurra haur ona,
bolon bolon bolon bolon
bolon bolon bolona.

Gure haurraren haur ona,
balio luke Baiona.
Baiona dirutan baino
nahiago geren haur ona.
Bolon bolon bolona,
gure haurra haur ona,
bolon bolon bolon bolon
bolon bolon bolona.

Haurra egizu lo ta lo
emain dizkituz bi kokollo
orain bat gero bestea
gauean txokolatea.
Bolon bolon bolona,
gure haurra haur ona,
bolon bolon bolon bolon
bolon bolon bolona.

Divcsa Music-en adeltasunez

11. Oraindik orain

Hitzak: Joan Mari Lekuona
Musika: Lourdes Iriando

Oraindik orain goiza gendun ta,
hona berriro arratsa.
Ez da luzaro mugitu zela
udaberriren urratsa.
Eta berriro gañean degu
negu beltza.
Eta berriro gañean degu
negu beltza.

Oraindik atzo giñen zu ta ni ezagunak.
Bikote umo biurtu gaitu maitasunak.
Bañan laburtzen dijoazkigu udazken egunak.
Bañan laburtzen dijoazkigu udazken egunak.

Oraindik orain jolasten giñen
amaren besoa.
Laister, ordea, behar gera gu
arbaso zaharren ondoan,
ama-lur pake gozoan.

Horrela da gure bizitza:
hodei igeskorak
ur-gañean dugin itzala bezala...
Biziaren biziz aitortzen dedala
ispilu gañeko hatsa naizela;
hutsa bezala,
hutsa bezala,
hutsa bezala.

12. Liu-Pan mendian

Hitzak: Txinatar poema herrikoiak
Itzulpena eta egokipena: Xabier Lete
Musika: herrikoiak (Albano) "Erkudengo Ama" abestiaren doinua)

Zerua urdin goi-goian dago
eta hodeiak lehun,
enarak doaz hegalek hegala
urruti hego alderuntz.
Mila legoa ibili gera
mila legoa inguru,
pareta haundia hausten ez badegu
ez gera gizon izango.

Liu-Pan mendiko tontor gainean
gure bandera han dago,
sortaldeko haize epeletan
kulunkatzen da, han dago.
Gaur gure eskutan lokarri luze
kate luze bat daukagu.
Oto haundiari bere hatzaparrak
noiz lotuko dizkagu?

Mila legoa ibili gera
mila legoa inguru,
pareta haundia hausten ez badegu
ez gera gizon izango.
Gaur gure eskutan lokarri luze
kate luze bat daukagu.
Oto haundiari bere hatzaparrak
noiz lotuko dizkagu?

Divcsa Music-en adeltasunez

13. Aita nuen saltzaile

Musika eta hitzak: Herrikoiak

Neure alaba Miarrez
zer dun horrela nigarrez?
Hire jauntziak eginik ziauden
urre gorritz eta zilarrez.

Aita nuen saltzaile
ama diruen hartzaile
nere anaia Bernardo
moru-herrira entregatzaile.

Saldu ninduen dirutan
dirutan ere aunitzetan
nerunek pisa hala urretan
eztitako bi kupeletan.

Neure alaba Miarrez
zer dun horrela nigarrez?
Hire jauntziak eginik ziauden
urre gorritz eta zilarrez.

Ahots laguntzaileak: Xabier Lete

14. Tiriki tauki tauki

Hitzak: Bitoriano Gudiaga

Musika: Lourdes Irujo

Tiriki, tauki, tauki
mailuaren hotsa.

Tiriki, tauki, tauki

mailuaren hotsa.

Hamasei harri lantzen

ari da Oteiza.

Ai, oi, ai

ari da Oteiza.

Tiriki, tauki, tauki

mailuaren hotsa...

Tiriki, tauki, tauki

mailuaren hotsa.

Mailua penazkoa,

harria gau beltza.

Ai, oi, ai,

harria gau beltza.

Tiriki, tauki, tauki

mailuaren hotsa.

Tiriki, tauki, tauki

mailuaren hotsa.

Etsipen kolpe bat da

ukaldi bakoitza.

Ai, oi, ai,

ukaldi bakoitza.

15. Elkitzeko tenorea

Musika eta hitzak: Herrikoiak

Elkitzeko tenorea huna nun den jina,
urrikaltzeko baita kasu hortan dena.
Maitearen uzteak emaiten daut pena
zeren hura bainuen orotan maitena;
urrikaltzeko baita kasu hortan dena.

Dirusa Music-en aditassunez

16. Nahi zuia jin

Musika eta hitzak: Herrikoiak

Nahi zuia jin, brun eta xarmanta,

nahi zuia jin promenatzera?

Nahi zuia jin, ene maite eder horrek,

nahi zuia jin oihan aldera?

Udaberriak zuhaitzak oro lorez

ortzadar margoaz apaindu derauzkigu.

Goazin, maite, goazin

gerezi artera,

zerua lurrean ikustera.

Ahots laguntzaileak: Xabier Lete





17. Lua lua

Musika eta hitzak: Herrikoiak

Lua lua, kanta lua
zerutako jaungoia,
haur honeri emaziozu
lau orduko lua.

Lua lua kanta lua
zerutako jaungoia,
haur honeri emaziozu
lau orduko lua.

Txalopin txalo
txalo ta txalo
katutsoa mizperan gainean dago
badago bego,
bego badago,
zapatatxo berriei begira dago.

Divusca Music-en adituazue

18. Peru gurea

Musika eta hitzak: Herrikoiak

Peru gurea Londresen
zingulun-larrak ekarten
hura handikan etorri arte
gu biok dantza gitezen.

Ai hori egia!
zingulun zangulun Maria.

Kaponak daude erretzen,
oilaskoak mutiltzen,
ez din hark asko orain pentsatzen
honela gerala dantzatzen.

Ai hori egia!
zingulun zangulun Maria.

Nagusia Bitorian
plazako ostatu berrian
osorik larrugorrian
sartu zait saski erdian.

Ai hori egia!
zingulun zangulun Maria.

Neure mutiltxo titikia
hik esan huen egia
medikuarekin dantatzan zela
neure emazte Maria.

Ai hori egia!
zingulun zangulun Maria.

Ahots laguntzaileak: Xabier Lete

19. Loa

Musika eta hitzak: Lourdes Iriondo

Hara sehaskatxoan haur sortu berria
loak hartu diola dirudi begia.
Ametsetan zer dion nahi nuke aditzea,
horren polita baita horren aurpegia.

Lo, egin zazu loa
Lo, egin zazu loa.

Ixo, ixo, haurtxoak irri egiten du.
Norekin hitz egin ta nor ikusi ote du?
Ixo, aingeruekin bat egin dezazun.

Maitetxo, maitetxo, esan
eta agur, agur semetxo,
agur, agur bihar arte,
egin zazu loa, lo, lo, lo, lo.

Divusca Music-en adituazue

20. Nere herria

*Hitzak: Juditar erezia
Itzulpena eta egokipena: Xabier Lete
Musika: Lourdes Iriondo*

Nere herria, nere herria
maite dudalako
askatasun argia itzali dute neretzako.
Ilunpe hontan nagola
su ta gar dut bihotza, irakiten odola
nere herriaren maitasunez.

Giltzape hontan
giza legerik gabe
eman didate zigorra,
eman didate makila
bainan horregatik
ez da nigan jaio
negar zotifia.

Nere begien negarra
nere bihotzaren samina
ikusten dudanean
nere herria, nere herria
besteren menpean.

Nere begien negarra
nere bihotzaren samina
ikusten dudanean
nere herria, nere herria
besteren menpean.

Divusca Music-en adituazue



21. Bazko eta Salbatore

Musika eta hitzak: Herrikoiak
(R.M.Azkueren kantutegitik hartua)

Bazko eta Salbatore,
hulanena Mendekoste
eta ni gaixo hau triste,
xutik ere ezpeinaile!

Franko gazte nintzelarik,
eritarzun bat sarturik,
sobera gai-beilaturik,
badit ondorio hunik.

Mendigara medizia,
ene kontsolatzailea,
luze zadazü bizia;
phena da hola hiltzea.

Ni hiltzen baniz huntarik,
ez egin, othoi, nigarririk;
ez jauntzi oihai beltzik,
ezpeitut sino-beharrik.

Divvusa Music-en adaitasunez

22. Hala baita

Musika eta hitzak: Herrikoiak
(R.M.Azkueren kantutegitik hartua)

Hala baita dolu egingarri
amodioetan dena,
beti penaz baidaramatza
gauak eta egunak.

Ez deia bada pena
nere bihotzean dena,
nihork ez baidizu konpreni
nere hats beherapena,
maite bat ezin konbertituz
nik sufritzen ditudanak.

Ez deia bada pena
nere bihotzean dena,
nihork ez baidizu konpreni
nere hats beherapena,
maite bat ezin konbertituz
nik sufritzen ditudanak.

Divvusa Music-en adaitasunez

23. Txori erresinula

Musika eta hitzak: Herrikoiak

Txori erresinula
udan da kantari,
zeren ordian beitu
kanpuan janari;
negian ezta ageri,
balinban ezta eri.
Udan jin baledi,
konsola nainte ni.

Botz haren entzun nahiz
erraturik nago,
ni hari hülant eta
hura urrunago,
jarraitu ninkio
bizia gal artino,
Aspaldi handian,
desir hori nian.

Divvusa Music-en adaitasunez

24. Hitzak dira

Hitzak: Xabier Lete
Musika: Lourdes Iriondo

Hitzak dira hitzak
haizeak farrez daramazkienak.
Gaueko maitasun hitzak
egunak kolorez hustutzen dituenak.

Mundua hitzetan doa hiltzen eta hiltzen,
bideak ibiltzen laberinto ilunean.

Hitzak agintariarenak
hain hitz merkeak
ordaina garestian pagatuak.
Sententziako hitzak, ikaragarriak
kartzelarako bidean,
eta apezarenak, ahal bezelakoak
heriotzaren atean.

Hitzak dira hitzak,
haizeak farrez daramazkienak.
Gaueko maitasun hitzak
egunak kolorez hustutzen dituenak.

Murmurio galduek
belarri ertzean
arrasto gezurti bat
gure bihotzean.

Hitzak agintariarenak
hain hitz merkeak
ordaina garestian pagatuak.
Sententziako hitzak, ikaragarriak
kartzelarako bidean,
eta apezarenak, ahal bezelakoak
heriotzaren atean.

Hitzak dira hitzak,
haizeak farrez daramazkienak.
Gaueko maitasun hitzak
egunak kolorez hustutzen dituenak.

25. Hilko naiz

Hitzak: Bitoriano Candiaga
Musika: Lourdes Iriondo

Hilko naiz
ta edertasunak jarraituko du lurrean,
aleluia.

Hilko naiz
ta edertasunak jarraituko du lurrean,
aleluia, aleluia.

Hilko naiz
eta jaustean joko dut lurra lurrean,
aleluia.

Hilko naiz eta jaustean joko dut lurra lurrean,
aleluia, aleluia.

Hilko naiz
eta erraiak lurtuko dira lurrean,
aleluia.

Hilko naiz
eta erraiak lurtuko dira lurrean,
aleluia, aleluia.

Hilko naiz
eta hezurak harri dirake lurrean,
aleluia.

Hilko naiz
eta hezurak harri dirake lurrean,
aleluia, aleluia.

Hilko naiz
eta lurrago jarraituko dut lurrean,
aleluia.

Hilko naiz
eta lurrago jarraituko dut lurrean,
aleluia, aleluia.

Hilko naiz
eta lurrago jarraituko dut lurrean,
aleluia.

Hilko naiz eta lurrago jarraituko dut lurrean,
aleluia, aleluia.
aleluia, aleluia.
aleluia, aleluia.

Donostiako Trinitate plazan 1976. urtean Jose Mari Iriondok zuzenean
erejestratua eta bere aditasunez antologia honetarako baimendua.



26. Isiltasuna

Hitzak: Xabier Lete
Musika eta errezitazioa: Lourdes Iriondo
Xintu hitzak: Xabier Lete

Isilik daude harriak
isil-isilik udazken guztia.
Isilik garrasirik latzenak
isilik arrano goifarra eta zezenaren marrua...

Lehen paradisuko zelai zabal haietan
kantari zebiltzen libertatearen semeak,
polborazko loreak eskuetan
eta buruan fantasia mugarik gabeak.

Baina otoak pasa zirenean,
gero pasa ziren
azeri eta zakur amorratuak.

Paradisu desiatu haretako zelaietan
ximeldu ziren loreak
eta legortu belar gozoak,
belar gozoen zuztar
usain eta landareak...

Otoak pasa zirenean,
gero pasa ziren
azeri eta zakur amorratuak.

Paradisu desiatu haretako zelaietan
ximeldu ziren loreak
eta legortu belar gozoak,
belar gozoen zuztar
usain eta landareak...

Isilik daude harriak
isilik etxe, haizea
eta kaleak,
isil-isilik daude berriro gauza guztiak
udazkenean.